

# EMMAÜS, SVJETSKI POKRET ZA BORBU PROTIV BIJEDE I ISKLJUČENJA: „POPRAVITI SVIJET“ JE MOGUĆE, POD USLOVOM DA SVI U TOME SUDJELUJEMO, SVAKO PREMA SVOJIM MOGUĆNOSTIMA.

Izvadak iz završne deklaracije Svjetske skupštine 1999. godine (Orleans, Francuska)



## univerzalni manifest

Usvojen na Svjetskoj skupštini 1969. godine (Bern, Švicarska)

## pokreta

## emmaüs

**N**aše ime, EMMAÜS, ime je mjesta u Palestini gdje beznadni pronalaze nadu. To ime nam svima u sjećanju priziva, bilo da smo vjernici ili ne, naše zajedničko uvjerenje da nas samo ljubav može povezati i učiniti da zajednički napredujemo. Pokret EMMAÜS rođen je u novembru 1949. susretom: ljudi koji su postali svjesni svoje privilegirane situacije i svoje društvene odgovornosti u odnosu na nepravdu, i ljudi koji više nisu imali razloga za život, pri čemu su i jedni i drugi odlučili ujediniti svoje želje i djela kako bi se međusobno pomagali i pritejali u pomoć onima koji pate, uvjereni da spašavajući drugog spašavaju sebe. U tu svrhu stvorile su se zajednice koje rade da bi živjele i davale. Uz njih, stvorile su se grupe prijatelja i volontera koje se bore na društvenom i privatnom planu. **1.NAŠ ZAKON** je zakon od kojeg zavisi čitavo čovječanstvo, svaki život vrijedan življenja, pravi

mir i sreća svake osobe i svakog društva: „Prije nego sebe poslužiš, posluži onog koji je manje sretan od tebe.“ „Prvo posluži onog koji najviše pati.“ **2.NAŠE UVJERENJE** je da poštovanje tog zakona mora predstavljati poticaj za svako traženje pravde, a time i mira među ljudima. **3.NAŠ CILJ** je da djelujemo kako bi svaki čovjek, svako društvo, svaka nacija mogla živjeti, iskazivati se i ostvarivati kroz razmjenu i raspodjelu, na jednako dostojanstven način. **4.NAŠA METODA** sastoji se u stvaranju, podržavanju i oživljavanju takvih sredina u kojima će svi, osjećajući se slobodnim i poštovanim, moći udovoljavati svojim potrebama i međusobno se pomagati. **5.NAŠE KLJUČNO SREDSTVO** kadgod je to moguće, je reciklaža koja omogućava da ponovo damo vrijednost svakom predmetu i da umnogostručimo mogućnosti hitnih akcija pomaganja onima koji najviše pate. **6.SVA DRUGA SREDSTVA** kojima se budi svijest i otpor takođe treba koristiti kako bi se služilo i

prvenstveno poslužilo onima koji najviše pate, i tako podijelili njihove patnje i njihove borbe -u privatnom ili građanskom životu- sve dok se ne unište uzroci svake bijede. **7.NAŠA SLOBODA** u ispunjavanju svoje zadaće EMMAÜS se ne rukovodi nijednim drugim idealom osim onim izraženom u ovom Manifestu i ne podvrgava se nijednom drugom autoritetu osim onom same organizacije u skladu sa njezinim pravilima. Organizacija djeluje sukladno Deklaraciji o ljudskim pravima koju su usvojile Ujedinjene nacije i sukladno pravednim zakonima svakog društva, svake nacije, bez obzira na političke, rasne, jezičke, duhovne ili druge razlike. Ništa se drugo ne može tražiti od bilo koga ko želi učestvovati u našoj akciji osim da prihvati sadržaj ovog Manifesta. **8.NAŠI ČLANOVI** ovaj Manifest sadrži jednostavan i precizan osnov pokreta Emmaüs. Manifest mora prihvatiti i primjenjivati svaka grupa koja želi biti aktivni član Emmaüsa.



## EMMAÜS INTERNATIONAL KADA SE RADOM NAJSIROMAŠNIJIH GRADI SOLIDARAN SVIJET!

Univerzalni nasljednik Abbé Pierrea, Emmaüs International je sekularni pokret aktivne solidarnosti protiv svih uzroka isključenja, koji postoji od 1971. godine. Za što se bori? Da se najsiromašnijima omogući da, pomažući drugima, (ponovo) postanu akteri svojih vlastitih života. Od Indije do Poljske, preko Perua ili Benina, pokret broji više od 300 organizacija članica u 36 zemalja koje razvijaju ekonomske aktivnosti i solidarnost sa najsiromašnijima: borbom protiv rasipanja reciklažom korištenih predmeta, rukotvorinama, organskom poljoprivredom, pomaganjem djeci-beskućnicima, mikrokreditima, itd. Na četiri kraja svijeta, te organizacije združuju svoju energiju i grade među sobom mostove solidarnosti. Odbijajući da se na fundamentalna prava gleda kao na privilegiju, Emmaüs International okuplja svoje članove oko konkretnih dostignuća i političkih akcija. Pokret zajednički radi na pet prioritarnih akcijskih programa koji su srž njegovog angažmana, a to su: pristup vodi, pristup zdravlju, etičko finansiranje, obrazovanje, prava migranata. Svojim svakodnevnim radom u srcu društvene stvarnosti, svojim kolektivnim angažmanom, grupe Emmaüsa diljem svijeta zorno prokazuju održivost društva i ekonomskih modela zasnovanih na solidarnosti.

### > BORITI SE PROTIV UZROKA BIJEDE

Pokret Emmaüs je, osim što je „preteča i nadopuna svakoj borbi za pravdu“, angažiran u korist onih najslabijih; njegova misija je ne samo da im pomogne u hitnim situacijama, već i da im pomogne da sami potražu svoja prava, odnosno, da se čuje „njihov glas“. Taj angažman podrazumijeva da „Emmaüs jeste i ostaje u sukobu“ sa svima onima koji su, svjesno ili nesvjesno, uzroci bijede, a osobito sa različitim oblicima nacionalne ili međunarodne dominacije. Svako udruženje, koje je član Emmaüs Internationala, treba, u skladu sa lokalnom situacijom, utvrditi način i mogućnost da odredi opseg i ograničenja tog Emmaüsovog angažmana i da u tom smislu usmjeri društveno djelovanje svoje grupe. Izvadak iz teksta „Opseg i ograničenja društvenog angažmana Emmaüsa“, usvojen na Svjetskoj skupštini 1979. godine (Arhus, Danska)